

ALEX
SCHWENGLE
MESTER
WORDO
INVESTIGA
DEN DEAL
CORUPTO DI
HOSPITAL!



Diabierna 8 September 2017 -Edicion-10 Vol.2337 Sta.Cruz #111
Tel: 585-9500 Fax:585-0952 - E-mail: solodipueblo@gmail.com

**URATACA
CENTER**

Awe September 8

1/2 roast Chicken, aroz,
Yuca & Maishi

Tel: 585 5212

AVP A BERGONZA ARUBA CU FRAUDE Y CORUPCION...

FULL UN OFICINA DI UN MINISTER DETENI

MINISTER, CHAUFFEUR, SECRETARIA, COORDINADOR ETC.

Ultimo Ora!

Otro atraco enfrente di Cas di Gobernador na Playa

ATRACO NA WEST-DECK

Anti-socialnan a atraca un persona cu tabata
hibando placa pa oficina. Mas detaye den Solo di
Pueblo mañan!



Edmond Croes lo tuma
paso legal contra Alex
Schwengle

No ta acepta difamacion

Raad van bestuur nobo di
De Meza tumando decision...
Kico ta pasando?

Problema den Arutram/ Aruparking

MEP TA DISTANCIA DI
INSINUACIONNAN DI JAN DE
RUIJTER

MEP NO TIN
PALABRACION CU
NINGUN PARTIDO
PA COALICION



AWE TA CERA E CAMINDA
DI CUMANA FOR DI 2:00
PM PA E EVENTO DI
GLENBERT CROES



PARTIDO MEP:

Deficit financiero 2016 a resulta di ta -3.7%!

Gabinete Eman un biaha mas no a cumpli cu e palabracion haci cu CAFT y Gobierno di Reino

Cu Gabinete Mike Eman a ruina e pais aki financieramente y cu nan no sa mas con pa sali for di e pesadiya aki, ta ser confirma door di Banco Central den e publicacion cu a sali dia 4 di September ultimo, esta e "Annual Statistical Digest 2016". Den e publicacion aki ta ser presenta tur e cifranan oficial di nos finansa publico, entre otro tambe di e deficit financiero pa loke ta aña 2016.

Incumplimento cu e norma di -2.0%

Nos tur por corda ainda con riba dia 27 di augustus 2015 nos autonomia financiero a ser traiciona door di partido AVP y cu nos finanzas publico desde e fecha ey ta bao di vigilancia continuo di e Comision di Supervision CAFT. Asina Gabinete Eman y AVP a acorda cu CAFT cu e deficit financiero – cu desde 2010 a ser marca pa sumanan gigantesco y un record di mas di 443 miyon florin na aña 2012! – den forma obligatorio lo mester ser reduci gradualmente y cu na aña 2016 esaki lo mester yega na e norma di -2.0%. Pa e politiconan di AVP esaki ta un gran "logro" y constantemente cu hopi orguyo nan tabata comenta riba e

-2.0% aki. Sinembargo awor cu e cifranan di finansa publico a bira conoci pa pueblo ta resulta segun e Annual Statistical Digest 2016 cu e deficit financiero pa 2016 NO ta -2.0%, pero esaki a yega na un cifra mas halto, esta -3.7%. Pues casi dobbel di e norma cu nan mes a premira y tabata gaba cu ne tur dia.

Cifranan no ta gaña

Den e tabel adhunto compila for di e cifranan di Banco Central un y tur por mira pa nan mes cu Gabinete Eman – despues di a tuma un gran cantidad di medida riba lomba di pueblo y a haya exoneracion pa pago di 61 miyon florin na SVb – a cera aña 2016 toch cu un deficit di -177.3 miyon florin. Y si compara e cifra aki cu 2009 (Gabinete Oduber) cu tabata -163.1 miyon florin, te ainda Gabinete Eman no a logra baha e deficit financiero na e nivel responsabel cu gobierno di MEP a laga atras na 2009. Pues, por conclui cu un biaha mas Gabinete Eman no a cumpli cu e palabracion cu nan a haci cu CAFT y Hulanda pa logra un finansa publico balansa. Anto ainda nan kier tira santo den wowo di pueblo cu e deficit na

2017 lo bay ta -0.5%.

Finalmente, partido MEP ta tene su curason pa loke ta bay ta e deficit financiero di 2017, mirando con den e furia di campaña electoral aki, partido AVP ta sigui cu nan politica di "après nous le déluge". Pues sigui gasta bay ya cu despues di nos, e pais lo por wel di sigui zink numa, basta nos keda na poder.

	FINANCIAL DEFICIT (x mln Afl.)	FINANCIAL DEFICIT/GDP (%)
2009	-163.1	-3.6
2010	-188.6	-4.4
2011	-325.2	-7.1
2012	-443.3	-9.8
2013	-332.8	-7.2
2014	-405.8	-8.6
2015	-184.6	-3.8
2016	-177.3	-3.7



PROUD SUPPORTER OF YOU™
OFFICIAL LICENSED STORE



**E TIENDANAN
DEN
CORCHON #1**

PORFIN GABINETE MIKE EMAN TA DEN GARA DI HUSTICIA

No ta nada straño cu Gabinete Mike Eman actualmente ta den gara di husticia, pasobra ya ta desde varios aña tur hende cu dos placa di sinti y cu no ta ciego pa loke ta AVP, por a mira con corrupcion na gran escala tabata tuma lugar den casi tur ministerio.

AVP cada dia tabata endeuda Pais Aruba cu cientos di miyones na proyectonan miyonario, na unda sin duda un parti di e miyones lo tabata pasa bao mesa pa cierto ministernan y pueblo mester paga 3 biaha mas hopi cu e proyecto a costa. Gremio- y instancianan a laga e situacion bergonzoso continua bao 2 gabinete Mike Eman, pero porfin husticia a cuminsa haci loke nan mester a haci hopi aña atras.

E gobierno AVP a pone cara di Aruba na berguenza mundial un biaha mas y ta parece cu Mike kier a kibra e record di corrupcion cu su ruman Henny tabata tin. Tur hende por corda e proyecto Fondo Desaroyo Nobo San Nicolas na unda como 50 miyon florin a ser derocha, amigonan di AVP tabata cobra miyones pa cierto proyecto cu nunca a ser construi. Lider di AVP Tico Croes a ser haya culpabel pa e bagamunderia aki

y a ser sentencia pa corte. AVP tin e record cu pa prome biaha den historia lider di un partido politico ta ser declara culpabel di corrupcion.

Minister Presidente Henny Eman por poco tambe a bay KIA pa e mesun corrupcion aki, mientras e consehero di Tico Croes a scapa di ser sentencia ora secretaria di Tico a comete perhurio/ meined dilanti huez bisando cu tabata trata di "un tal Otmar"!

E secretaria aki ta tanta di Jennifer Arends? Mike Eman kier haci tur cos mas grandi y ta percurando pa actonan di corrupcion den su gobierno, surpasa esnan di Henny. Ta conoci cu nan dos ya caba a "horta" 2 miyon florin di pueblo, ora nan debe na banco a pasa pa FCCA y nan a laga FCCA carga e perdida di 2 miyon florin. Ta hopi cas di pueblo FCCA por a construi pa e suma aki, pero gabinetenan Eman tin e fama di HAMAS a construi un solo cas di pueblo, pero ta pronkia di a pone 2 klinker dilanti e casnan construi pa Gobernacionnan MEP.

Mike mester tin berguenza di cana den e barionan unda tin cas di pueblo, pasobra e y Henny a



malogra FCCA di 2 miyon florin cu e rumannan Eman mester a paga bek. Esaki ta simplemente un ladronia. Awor cu husticia ta riba lomba di AVP, e analista supremo di AVP a sali di riba Sero Jaburibari pa mira si ainda por salba algo di AVP, especialmente despues cu husticia a gara e mamasita y probablemente lo detene papasito tambe.

Henny den su desesperacion tabata kier pa e poco militancia cu a keda cu AVP, bay demostra dilanti OM, pero mayoria tin miedo cu si nan bay, kizas nan tambe lo resulta den KIA. Pueblo

ta testigo con politiconan di AVP bao guia di e gang di bandidos Mike/Henny/Gaby etc., a degrada y corumpi gobernacion y nan tin number di Aruba por suelo y den un DETERIORO total.

Henny kizas a scapa di bay KIA, pero ta muestra cu porta di KIA ta hanchu habri pa Mike y su gang di bandido. Aruba mester deshaci di e sinberguenzanan aki.

TA BASTA. Aruba merece mihor!.

LIDER DI MEP, MR. EVELYN WEVER- CROES: MEP TA CONVIVI CU SINT MAARTEN, SABA Y SINT EUSTATIUS


Despues di pase di horcan Irma, e destruccion na islanan ariba ta severo. Lider di Partido MEP sra. Evelyn Wever-Croes a manda palabra di convivencia na e pueblonan di Sint Maarten, Saba y Sint Eustatius.

Tambe lider di MEP a haci un apelacion na henter comunidad pa contribui cu e esfuerzonan di Cruz Cora Aruba cu ta preparando pa bay duna asistencia na Sint Maarten.

"Ora cu mi wake potretnan

di e destruccion severo causa pa horcan Irma, mi ta haya dolor den mi curazon. Nos tambe por yuda alivia e dolor di nos rumannan na St. Maarten, Saba y Statia. Rode Kruis Aruba ta preparando pa bay duna asistencia. Abo tambe kier yuda? Haci bo contribucion riba cuenta di Cruz Cora Aruba na Arubabank, #038.401.0390 y menciona "Orcan Irma".

Cu Dios bendiciona bo generosidad. Nos oracion y pensamiento ta cu tur e famianan cu a



bira victima di destruccion di e horcan aki", lider di MEP Evelyn Wever-Croes a finaliza bisando.

AWE TA CERA E CAMINDA DI CUMANA FOR DI 2:00 PM PA E EVENTO DI GLENBERT CROES

Manera ta conoci, candidato nr. 5 riba e lista Victorioso di MEP, Glenbert Croes lo tin su G Festival awe dilanti cas di nos Libertador na Cumana 84.

Pa e ocasion aki y pa seguridad di tur hende, a opta pa desvia trafico na altura di Cumana 78 y Cumana 88.

Evento lo cuminsa pa 5'or di atardi cu Happy Hour, powered by Chando Colina. Robert Jeand'or ta e prome agrupacion cu pa 6'or ta duna inicio na e programa musical cu lo conoce presentacion

di Glimpse, Honeypot, Sensacion Vallenata, NFuzion y e gran concierto di Jeon & Friends.

E invitacion ta pa Pueblo di Aruba bin celebra cu Glenbert e hecho cu Aruba ta na caminda pa su victoria aplastante cu lo trece e cambio cu nos ta tur ta anhele y merece.



Dangui Oduber, parlamentario di MEP:

Pueblo tin e escogencia entre un gobierno Corrupto of un gobierno INTEGRO!

Den historia di pais Aruba nunca nos a mira tanto corrupcion manera durante gobernacion di gabinete Mike Eman 1 y 2. Na e momentonan aki tin henter un ministerio cera, tin secretaria cera, tin bode cera y tin penningmeester di fundacion cera.

Ayera a tuma lugar otro detencion caminda a detene casa di coordinador y man drechi di Benny Sevinger. E coordinador aki ta man drechi di dinastia Eman y e ta un TOP di partido AVP! Mike Eman a tolera y a coopera cu bendemento di permiso, dunamento di ontheffing y bendemento di tereno cu ta patrimonio di pueblo pa 8 aña largo. Mike Eman ta esun finalmente responsabel y culpabel pa TUR e corrupcionnan cu ta tumando lugar den gobierno. Nunca antes ministernan di MEP a wordo deteni. Nunca antes

tabata tin henter un ministerio cera.

E grado di corrupcion riba nos pais a surpasa tur limite. Un gobierno asina NO merece confianza mas di e pueblo votador. Nos kier mira gobernanten integro, nos kier mira gobernanten serio y responsabel cu no ta usa e poder cu pueblo a duna nan pa enriquece nan mes, loke ta pasando na e momentonan aki. AVP a haya e poder y a traiciona su pueblo y a yuda nan mes y nan grupito. Nos kier un gobierno transparente, un gobierno cu ta trata tur hende na mesun manera. Na cas nos tur ta wordo siña cu horta ta malo. Nos tur ta wordo lanta cu norma- y balornan hopi halto y ta netamente esaki nos kier mira den nos gobernantenan. Ta lamentabel pa mira con nos pais a wordo corumpi y ki ehempel e gobierno aki ta dunando na nos muchanan y nos hendenan.,

Nos pais tin e escogencia dia 22 September 2017, sea ta scoge pa un partido serio, responsabel y integro of ta scoge pa un partido cu a demostra di ta uno irresponsabel, no ta integro y ta corrupto. E escogencia ta hopi cla, e ta den man di pueblo si e kier mira gobernanten cu por duna ehempel na nos comunidad y ta integro.

Nos pais su bon number ta wordo dañá y atacha pa e gobierno aki.. Ainda tin ministernan cu mester wordo investiga y cera pa tur loke nan a haci cu e pais aki. Tin ministernan cu ta complice den bendemento di tereno di Leoncita Arends. Ministernan cu ta complice den bendemento di permiso y ainda nan kier pidi pueblo 4 aña mas. AVP a haci hopi daño na nos pais, nan e destrui nos pais y nan a corumpi nos pais. Ban hunto trece e cambio cu e pais aki merece.



Nos mester sinti nos mes liber den nos consenshi pa vota pa cambio, nos mester sinti nos mester sigur di e cambio y ban hunto vota pa e cambio dia 22 September 2017.


Aruba merece un gobierno digno di confianza di pueblo! E riesgo pa vota AVP ta demasiado grandi pasobra e corrupcion NO lo STOP!

Cas di Max
Mueble y mas

KASHINAN EUROPEO MADE IN HOLLAND

**CASH
&
CARRY
ESTILO
IKEA!
DESARMA**



 Check y like nos
riba facebook

Meiveld 3A-1 • orario: dialuna pa diasabra 9 - 6pm • tel. 582-1671

Lider di MEP, mr. Evelyn Wever – Croes:

MEP TA DISTANCIA DI INSINUACIONNAN DI JAN DE RUIJTER MEP NO TIN PALABRACION CU NINGUN PARTIDO PA COALICION

Partido MEP y su dirigentenan a tuma nota di un declaracion di sr. Jan de Ruijter, den cual ta involucra partido MEP y candidatonan di MEP, den un problema personal entre e y un otro persona. Den su declaracion na Ministerio Publico, sr. De Ruijter a skirbi e insinuacion cu MEP lo ta tuma placa di un comerciante pa bay goberna cu POR. Lider di partido MEP categoricamente ta nenga e insinuacionnan aki.

"Partido MEP ta un partido di pueblo y pa pueblo. Fondonan cu nos partido ta ricibi ta bin di e actividadnan di fundraising cu nos ta organiza. Na e momento aki mes nos ta organizando e di tres rifa di e aña aki, aparte di

tantisimo koffiemorgen y otro actividadnan pa recauda fondo. Aparte di tur esaki e candidatonan mes ta haci nan actividadnan pa recauda fondo pa por cubri e gastonan di campaña. Nos ta haci esaki especialmente pa no mester depende di ningun comerciante.

E insinuacion cu nos lo a tuma fondo pa por forma gobierno cu partido POR ta un insinuacion falso. MEP ta trahando duro awor pa gana e eleccion aki. Si pueblo dicidi cu mester bin un coalicion, nos lo atende cu e deseo ey di pueblo e ora ey. Awor no tin ningun sentido pa yega na ningun palabracion pa coalicion y lo ta hopi estúpido si nos haci esey.

Den su declaracion, sr. De Ruyter a menciona cu ami, y mi coleganan Glenbert y Dangui lo a lunch cu un comerciante e siman aki, cual tambe ta incorrecto.

Mi a splica sr. De Ruyter tur esaki y mi a pidi'e pa tene MEP y mi persona for di cualkier problema personal cu e por tin cu otro hendenan. Mi ta lamenta cu nos prestigioso partido y nos como candidato, ta wordo involucra den e asunto aki den cual nos no tin arte ni parte.

Mientras tanto nos no ta laga esaki desvia nos atencion. Nos campaña ta bayendo hopi bon y nos mensahe ta yegando tur caminda. Mientras otronan ta keda den campaña negativo di



ataca y lastra hende, nos ta sigui trece speranza y solucion", lider di MEP Evelyn Wever-Croes a duna di conoce.

MIRA CON MIKE EMAN TA ABUSA DI PLACA DI PUEBLO

Un frase favorito di Mike Eman y esnan di AVP, ta cu bo ta mira unda bo placa ta bay! Mescos cu Mike a gaña votadornan na 2009 cu e lo ELIMINA BBO di day one, hunto cu AVP el'a sigui malinforma y engaña pueblo.

Na 2013 el'a sigui manipula mente di pueblo cu ainda falta y tabata nenga cu el'a hinca Aruba den un MEGA DEBE te ora Hulanda a pone un KB riba su cabez na 2014 y a forza e instancia CAFT pa Mike guli y nan a controla henter Aruba su finanzas. Den nan reportahe nan a declara VARIOS BIAHA cu Gabinete Mike Eman a hinca UNICAMENTE 1% na inversion pa Aruba. Esaki ta prueba cu Mike a malusa 99% di finanzas di Aruba na un forma desastroso, esta casi TUR fondo disponibel.

Ehempel tin na granel, pero aki por djis menciona con Mike Eman ta derocha placa di pueblo. Dia 4 di Augustus partidonan a entrega nan lista y un siman prome cu e fecha aki, Mike a aproba pa Juan David Yrausquin bin Aruba pa core campaña pa AVP. E dianan cu estudiantenan di Aruba a yega Hulanda, Juan David ni tabata na aeropuerto pa ricibi nan pasobra e ta na Aruba campanando pa Mike y Juan David na Aruba tampoco a bay aeropuerto pa despidi di e hobennan. Juan David tin un salario di como 18 mil florin y no tin gasto alguno na Hulanda, TUR cos ta ser

paga pe, hasta un chauffeur cu tur dia mester hiba su yiunan di Den Haag te Rotterdam pa nan bay un International School, mientras banda di su cas na Den Haag tin varios school, pero parece cu e muchanan no por bay un school Hulandes! Ora Juan David bin Aruba, e ta viaha den business-class cu ta como 6.000 mil florin, e ta ricibi un suma diario di como \$ 300.= pa dia (cada biaha e ta keda como 10 dia, cu ta \$ 3.000.= / 6.000.= florin), e ta haya un V-auto, pues cada biaha e ta costa pueblo como 15 mil florin, sin cu e ta traha pa Aruba, pero ta campaña pa Mike Eman. Juan David medio Augustus a bula bay Hulanda pa 2 dia ora Amsterdam a organiza un encuentro cu studiantenan nobo y ATROBE ta regresa Aruba pa un actividad di Mike Eman na Marriott Hotel, na unda Juan David a alaba, adora y glorifica Mike.

Pues ATROBE pueblo mester a paga como 15 mil florin pa Juan David bin campaña pa Mike. Fin di Augustus, ATROBE Juan David ta bula bay Hulanda pa 2 dia pa asisti na un reunion di Consejo di Minister di Reino pa pose cu Rutte y manda pabien pa Mike y ATROBE despues di 2 dia e ta regresa Aruba pa campaña pa Mike. Probablemente awor e ta keda te 2 dia prome cu Prinsjesdag 19 Oktober y dia 20 Oktober ATROBE e ta bin Aruba pa tene man di Mike y hibe vota dia 22 Oktober!

Esta un sinberguenza, e homber no tin yiu y sra. na Hulanda? E no tin tempo pa ni hole su famia un rato, cada biaha ta keda Hulanda pa 2 dia y bin campaña pa Mike na Aruba. Ban spera cu e ta corda laga cuminda pa e yiunan por come ora nan bay school! Pues den un luna di tempo, Juan David a bula bin Aruba 4 BIAHA pa campaña pa Mike, cu ta pa por lo menos 4 X 15 mil cu ta 60 mil florin mas su salario di 18 mil, pues den un luna como 80.000.= florin di placa di pueblo pa campaña, sin traha. Pero Juan David no ta e unico, e directora di su gabinete, sra. John tambe ta na Aruba ya como 1 luna pa campaña pa Mike riba custia di pueblo cu ta paga su pasahi, su estadia, auto y placa pa dia etc. Asina tin hopi mas sinberguenza campanando pa AVP costando Aruba un dineral cu bendicion di Ministro di Finanzas Bermudez!

Un abuso cu placa di pueblo, pero e bagamunderia no por sigui. Pueblo, bo SA mihor, Pueblo bo TA mihor! Pone un fin na bagamunderia. No mas AVP. No mas Mike Eman. Pueblo merece un gobierno di hende decente, honrado, husto y trahador.

**Vota contra AVP. VOTA PA BO
ARUBA!**

Partido MEP:

ALEX SCHWENGLE MESTER WORDO INVESTIGA DEN DEAL CORUPTO DI HOSPITAL!

Hospital-gate ta e prome proyecto cu e gobierno nobo mester investiga y mester investiga exactamente e papel cu Alex Schwengle y Richard Visser a hunga den e deal corrupto aki. Y nos ta yama e deal aki corrupto, y no ta pa mas! Hasta Parlamento a haya holor na corrupcion y a existi un "feitenonderzoek" dos aña pasa, cu nunca mas a bin! MEP casi 4 aña pasa a pidi un reunion pa trata e tema aki, pero ainda no por haya e reunion manera pidi, pesey mester investiga tambe si Mervin Wyatt-Ras ta hinca den e deal corrupto aki. Henter e fraccion di AVP den parlamento ta complice den e corrupcion na hospital!

PROYECTO CORUPTO

E proyecto ta hole na corrupcion, pa varios motibo. Laga nos limita nos mes na e aspectonan mas serio cu a tuma lugar den e bidding di e proyecto:

- (1) A scoge esun cu a ofrece e prijs mas halto, 40 miyon mas halto,
- (2) A scoge esun cu a claim pa cobra 5% 'meerwerk', siendo cu e otro a duna garantia cu NO tin meerwerk,
- (3) A scoge esun cu menos experiencia, y menos capacidad.
- (4) Pa colmo tur esaki SIN inclui e kambenan di

operacion.

(5) Y sin cu ta bin MAS cama aserca; es mas awor nan kier hasta pone 30 cama MENOS!

Tur esaki ta hustifica e sentimento serca cada ciudadano cu aki tin un deal hopi corrupto.

E proyecto di expansion di hospital ta costa mas hopi cu full e hospital nobo na Curaçao!

Nos a compronde tambe cu coordinadornan di prome minister a pidi un comision basta grandi den e proyecto. Nos a comprende cu hendenan a cambia nan scoring despues bao di presion. Nos a mira cu a duna e proyecto na esun cu a



bid mas halto, esun cu a cobra meerwerk y esun cu menos experiencia. Acaso ta pasobra e compania aki ta un compania amigo di e gobierno aki?

Esaki ta un locura total. No tin logica. Y pesey pueblo ta existi un investigacion.

Y Alex Schwengle ta e actor principal den e deal corrupto aki, y mester wordo investiga. En bista cu e "busje" ta pasando piki hendenan tur rond di e ministernan, ta di spera cu pronto Alex Schwengle tambe wordo investiga pa corrupcion!

TUS VIEJOS POR TUS NUEVOS

Trae tus viejos zapatos deportivos y llévate tus nuevos con el **30%** de descuento

OUTLET
Hendrikstraat #4

Solo por 3 semanas mas.

*Válido solo para compras de zapatos Nike en el Outlet de Nike. No acumulable con otras promociones. Oferta limitada por tiempo y stock.

CHANGE YOUR OLD ONES FOR NEW ONES

Bring your old sneakers and get new ones with an extra **30% off**

OUTLET
Hendrikstraat #4

Only for 3 weeks

*Only valid with the purchase of Nike shoes.

Prome avion a baha riba un airport destrui na St. Maarten

Un testvliegtuig di Guarda Costa di Corsou a ateriza riba un pista di un aéroport tur na werki!

Marinecommandant De Vin a bisa cu awor avion por baha pero sin cu toren mester yuda! Naturalmente avionan cu ta bin pa duna ayudo! Den e avion cu a baha tabata tin extra agente di polis pa bin yuda pa tene orden na St. Maarten.

De Vin ta spera cu te cu diasabra por trece material pa cuminsa drecha e lugar y pa yuda hende! Despues atrobe ta cera vliegveld en conexiun cu yegada di Horcan Jose! Marineschip Zr. Ms. Zeeland ta mara den haf di Sint-Maarten. E barco a bin pa yuda despues di Horcan Irma. Commandant André van der Kamp a laga sa cu ya por cuminsa baha material pa yuda e comunidad.

Barco di patruya Zr. Ms. Zeeland tin na bordo un helikopter y boto chikito pa yuda trece hende y material na tera! Na bordo ta alcanza pa mas o menos cien evacuado. Prome a yega e marineschip Zr. Ms. Pelikaan y a mara den e containerhaven di Philipsburg na Sint-Maarten. Tripulante ya a baha material pa yuda.

Anti-socialnan ta bezig ta plunder e supermarketnan ya cu e lugarnan a keda totalmente destrui y nan ta purba horta loke nan por! Horcan Irma a costa bida di ya 14 hende riba e islanan Caribense. Na St. Maarten a muri sigur 5 persona. Un riba e parti Hulandes.

Segun minister Ronald Plasterk di Hulanda e militarnan ta yuda e polisnan di St. Maarten pa restablece orden na St. Maarten. Tin 50 polis di Corsou ta yegando St. Maarten.



REGISTER TO WIN



STELLARIS CASINO AT THE MARRIOTT RESORT, ARUBA
TAKES YOU TO SAN JUAN
PUERTO RICO

la isla del encanto

EARNING PERIOD AUGUST 14 THROUGH SEPTEMBER 10, 2017 FOR A WEEKLY TOURNAMENT
Winners will be the TOP 5 SCORES every Monday starting August 21ST, 2017 AT 8:00 PM

PLAY & QUALIFY TO CLAIM YOUR BONUS OFFER OF \$100 EVERY MONDAY

for 4 weeks starting August 14th, 2017 *valid only for registered players*

TOTAL OF 20 LUCKY WINNERS
PLUS ONE GUEST EACH WILL FLY TO PUERTO RICO, SAN JUAN MARRIOTT



See rules & regulations for details of this promotion available at the VIP Booth at the Stellaris Casino
For more information call 520-6406 or 520-6428

REQUIRED TO REGISTER
TO PARTICIPATE FOR THIS PROMOTION AT THE VIP BOOTH

Setty Christiaans-Yarzagaray di MEP:

Aruba ta sintiendo efectonan negativo den Turismo Esaki ta consecuencia di e crecimiento artificial bao mando di ex - Minister di Turismo



Ta alarmante pa constata con un parlamentario di e partido politico den gobierno y un ex - gobernante riba e tereno di Turismo ta expresa nan orguyo con e industria di Turismo ta desaroyando na Aruba siendo cu tin tur señal y prueba di net lo contrario.

Aruba ta depende te ainda practicamente totalmente riba e industria di Turismo como su pilar economico y ami sigur ta tuma e industria aki y su señalnan na serio. Nos di MEP no a dicidi di drenta politica pa haci wega si no pa aporta cu nos conocimiento y experticio.

Resultadonan disponibel ta indica cu cantidad di bishitante stayover a baha cu 7.0% te cu luna di Juli di 2017 compara cu e mesun temporada di 2016. Esey cu ya cantidad total di bishitante stayover a baha na 2016 cu 10.0% compara cu 2015. E resultado aki ta wordo afecta drasticamente pa e mercado Venezolano y mester remarca cu por a constata crecimiento den e mercado Mericano, si no, Dios lo sa e caida real cu Aruba lo a experiencia. E efecto di caidan aki ta danki na un crecimiento artificial y e maneho cu e ex - mandatario di turismo di e gobierno di AVP a hiba. Mester remarca si tambe cu e hecho cu por nota crecimiento den e mercado Mericano, cu Aruba ta bolbe bira demasiado


dependiente di e mercado aki, ripitiendo e ora e mesun preocupacionnan di pasado.

Apesar di pronosticonan economico cu Aruba lo bay cera e aña cu crecimiento, mester sigui e desaroyo aki di cerca paso ya den e rapport "State of the Economy 2016" di Banco Central por a constata cu Tourism Receipts tambe a experiencia caida di 1.2% den 2016. Sin conta cu te ainda no por conta riba actividadnan di rehabilitacion den e planta di refinaria. Mirando e grafico cu Banco Central a publica aki, por nota e tendencia di e desaroyo di placa cu bishitantenan ta laga atras na Aruba cu tambe ta cayendo. Mirando cu e dos industrianan aki ta esunnan cu mas ta aporta na Aruba su economia, na e momentonan aki no sa si por conta cu un resultado positivo pa loke ta trata crecimiento economico na Aruba pa 2017.

Mas ainda, den e rapport di IMF pa Aruba di Juni 2017 ta bisa cu e desaroyo den bishitante stayover tabata zwak desde mey mey di 2015 caba. Pero tambe ta dunando Aruba e señalnan cu Aruba mester prepara pa e posibel efecto di e mercado Mericano viahando pa Cuba. Tambe IMF ta menciona e problema di criminalidad y siguridad pa e industria turistico na Aruba. IMF ta sigui menciona tambe e posibel efectonan negativo di e introduccion di e tourist levy cu ta un tax cu tambe e ex - gobernante di e actual gobierno a introduci pa e bishitantenan di Aruba.

Mester bisa cu MEP den gobierno, e team hoben profesional y dinamico cu bon preparacion y experiencia ya ta brainstorm riba

e posibel strategianan y solucion pa e industria aki mirando retonan y e ultimo desaroyonan aki. Naturalmente strategianan dirigi riba e calidad di nos producto Aruba pero tambe riba e calidad di bishitantenan cu lo desea di atrae pa Aruba.



STAYOVER VISITORS IN ARUBA			
Year to date	2016	2015	% Growth
DECEMBER	1,101,954	1,224,935	-10.03

STAYOVER VISITORS IN ARUBA			
Year to date	2017	2016	% Growth
JULY	629,015	676,157	-6.97

NOS TA YUDA BO YENA

AANGIFTEBILJET INKOMSTENBELASTING 2016

NA CEDE DI MEP

SEPTEMBER 2017

DIAMARS:	5	12	6:00 - 9:00 PM
DIAHUEBS:	7	14	6:00 - 9:00 PM
DIASABRA:	9	16	9:00 AM - 1:00 PM

TRECE DOCUMENTONAN:
 Loonopgaaf 2016 SVB
 Loonopgaaf 2016 APFA
 Loonopgaaf 2016 di Lago Annuity Foundation
 Carta di interes di prestamo di banconan
 Carta di interes y gastonan di hypotheek
 Carta di interes di Credit Card

**PAGA BELASTING TA DEBER DI NOS TUR,
PERO NO PAGA DIMAS BELASTING SI.**

mep

HUNTO P'E CAMBIO #SINMIEDO

Partido MEP:**Maneho di privilegio familiar cerca AVP!****Ta un partido sin consenshi so por a comete asina tanto crimen contra su mesun pueblo**

Scol HAVO/VWO na Noord

Kico por ser considera como crimen den un pais y den caso aki pais Aruba? Bo ta papia di crimen ora cu tur cos ta bay robez y corrupcion ta na orden di dia na man di AVP, anto hustamente e politiconan di e partido aki mes kier aparenta cu cos ta bayendo hopi bon den e pais aki. Ora AVP a hedge WEB y a pone nos pueblo paga un tarifa di awa y coriente hopi mas halto cu normal cu te hasta tin hende ta biba sin awa y sin coriente, cu ta necesidad number uno di un pueblo, esaki ta un crimen.

Mas crimen contra pueblo Ora Mike ta uza placa di Utilities cu ta placa di awa cu coriente di e pueblo pa pone conferencianan y shownan y pa gaña Rey y pa paga amigonan manera Al Gore, Richard Branson etc., esey ta un otro crimen.

Ora cu Benny ta duna Ladroncita su companianan, su yiu y sobrinonan terenonan di pueblo di mas di 90.000 m² pa haci deal, horta y bende e terenonan aki na prijsnan miyonario y no ta laga tereno pa nos hobennan cu den futuro

kier construi un cas of un negoshi, bo ta comete un crimen horroso contra nos pueblo. Ora nos pueblo no por drumi mas trankil di tanto atraco y criminalidad cu ta azota nos pais, bo ta cometiendo un crimen contra nos ciudadanonan. Ora bo ta cobra sumanan halto di belasting na pensionadonan y ta pone hendenan grandi traha te 65 aña en vez di 60 aña pa abo haya exoneracion di 61 miyon florin di SVb, bo ta cometiendo un crimen contra nos grandinan.

Crimen contra nos hobennan Ora un ministro ta uza placa di studielening di studiantenan pa yuda compania di seguro di su casa, esaki ta un crimen. Y pa no papia mes di e crimen contra nos hobennan estudiante door di boicotia construccion di e scol HAVO/VWO na Noord!

Y ora e politico di mas

90.000 m² TA IGUAL CU:

1. **FUL GRANDURA DI ORANJESTAD**
2. **14 VELD DI FÚTBOL**
3. **180 TERENO DI 500 M² PA 180 FAMILIA TRAHANAN CAS**
4. **100% CORUPCION!**

PUERLO KIER BIBA DEN UN PAIS NA UNDA TUR HENDE TIN OPORTUNIDAD DI YEGA NA UN TERENO NA UN MANERA HONORADO.

11.000 PETICION PA TERENO WARDANDO!

SUMANANDO 97000 HENDE TRABA NA MANERA SUSTENTABLE TA BUELA HAY TERENO MANERA NADA! E NOTICIA CU ESAN KIN EN UN PUEBLO 90 AÑAS MAS DI 90.000m² DI TERENO TA UNO HENDE BUELA!

jong den partido AVP ta wordo acusa di fraude cu permisionan, labamento di placa, soborno y ta stroba nos hobennan di drenta mercado laboral, bo ta cometiendo un crimen hopi grandi. Un berguena di marca mayor ora partido AVP a double cross nos hobennan door di firma miles di ontheffingnan sin cu departamento di Labor por a haci toetsing. Tambe nunca nos hobennan por a haya trabao ora AVP su ministronan y coordinadornan tabata tuma regalo, placa bao mesa pa fix permiso pa nan companianan,

mientras nos hobennan ta sclamando pa un trabao y mester cana di un uitzendbureau pa otro. Esakinan tur ta crimennan hopi grandi contra nos hobennan.

Pues na tur esnan cu ainda tin di pensa di vota pa AVP, mira tur e realidadnan amargo aki, no sostiene e bagamunderianan di AVP, sali na vanguardia di boso yiunan y bin para banda di MEP y cual partido ta cla pa saca nos pais un biaha mas for di gara di esnan cu a desgracia e futuro di nos proximo generacionnan malamente.

GF
G-FESTIVAL

SEPTEMBER 8 - 7PM
CUMANA SQUARE GARDEN
CUMANA 84

GLIMPSE | HONEYPOT
NUFUZION | JEON & FRIENDS
SENSACION VALLENATA

mep

Pa e evento aki ta cera caretera parcialmente pa 12'or di merdia y por completo pa 4PM

PARTIDO MEP:**Cuido Medico:****Ehecuta Plan Nacional Di Prevencion (PNP)**

Partido MEP ta realiza cu prevencion ta e solucion pa cuidu di salud y especialmente e costo di cuidu di salud riba termino largo. Esey ta e motibo pa cual nos ta pone prioridad na prevencion.

Nos lo enfoca mas riba un plan di prevencion proactivo, na unda ta pone enfasis tambe riba educacion y informacion riba plannan di ehercicio (movencion) y nutricion (alimento saludabel), y introduci sistema di chekeo obligatorio

(incluyendo chekeo dental).

Prevencion proactivo ta crea e posibilidad pa detecta un cantidad significativo di enfermedad como tambe adapta un mihor estilo di bida na tempo.

E concepto di prevencion lo duna su fruto disminuyendo e tendencia di e gasto medico a largo plazo. E implementacion di medicina preventivo ta bay dreña manera un rescate pa e cuidu medico actual cu ta basicamente curativo.

Aruba su poblacion actual ta duna e capacidad pa por tin un control preventivo pa henter e comunidad. Ehecutando e plan aki nos ta preveni un gran mayoria di enfermedadnan cronico cuminsando

na enfermedad cardiovascular por ehempel.

MEP kier adapta y usa e areanan di MFA (Area/ Edificio)

Multifuncional/ Hulpbestuurskantoor na Noord, Paradera, Sta. Cruz y Savaneta pa crea Puntanan di Control di Medicina Preventivo (PCMP). E lugarnan aki lo brinda e capacidad pa realiza control y screening preventivo cu medico general y nutricionista. Esaki ta trece cuidu medico mas cerca di cas y tambe ta duna mas oportunidad pa conta cu mediconan disponibel pa facilita e bishitanan na cas (cuidu medico na cas) pa e pacienan cu tin problema cu movilidad (paciente na cama of den

rolstoel). Esaki tambe ta facilita e acceso y ta mehora e atencion pa e cuidu medico pa nos grandinan.

Prevencion ta cuminsa cu educacion na unda ta importante pa ehecuta programanan di prevencion na school. Pa medio di charla educativo y interactivo cu ta involucra, educa y encamina e hobennan pa cu un estilo di bida saludabel.

Enfoke y digitalisacion di e problemanan di salud den nos poblacion (Sobre Peso, Obesidad, Hipertension, Diabetes, Nutricion, Cancer etc.)

Ta importante den e momento di control preventivo pa tuma registro di datonan importante y acumula

nan den un solo sistema electronico pa crea un base di dato di nos poblacion riba un nivel nacional (tambe ta inclui informacion di nutricion y estilo di bida). Esaki ta bay brinda nos e capacidad pa por resalta otro enfermedadnan of comportacion socio-cultural importante cu porta nos ta lagando afor di enfoque y cu lo tin mester di atencion (esaki ta crea caminda pa futuro creacion di programanan mas enfoca pa nos necesidad como comunidad).

MEP ta cla pa haci e cambionan aki den cuidu medico. Cu bo sosten nos ta logra hisa e nivel di cuidu medico den tur aspecto.

Gerencia di Departamento di Impuesto:**E formulario nobo di declaracion di dividendbelasting ta disponibel pa tur cliente****Por baha esaki for di nos website www.impuesto.aw**

Departamento di Impuesto ta informa cu e formulario nobo di declaracion di dividendbelasting ta disponibel pa tur cliente (empresa). Por baha e formulario aki for di nos website www.impuesto.aw y por haya e formulario aki bao Downloaden – Zakelijk – Formulieren en toelichtingen – Dividendbelasting.

Por yena e formulario na man of digital, despues ta print e, firm'e y entrega esaki na Departamento di Impuesto. Alavez e empresa tin obligacion di retene dividendbelasting for di e dividendo.

En corto
E formulario di declaracion mester wordo yena door di un empresa cu a paga dividendo na su

accionistanan of a pone dividendo na disposicion di su accionistanan.

E empresa aki tin e obligacion di retene dividendbelasting for di e suma di dividendo y despues paga e belasting aki na Departamento di Impuesto. E obligacion di haci declaracion y pago mester sosode dentro di 15 dia for di e momento cu a pone e dividendo na disposicion di e accionistanan. Si no cumpli cu declaracion of no cumpli cu e declaracion na tempo, e empresa por haya un boet di maximo Afl. 2.500,-. Keda sin haci pago di dividendbelasting of no haci e pago na tempo tambe porsignifica un boet di maximo Afl. 10.000,- pa e empresa.



Parlamentario di MEP, mr. Juan E. Thijsen:

Partido MEP no tin nada di haci cu e investigacion di Ministerio Publico den e caso IBIS (ontheffingszaak, Paulgate)

Parlamentario mr. Juan E. Thijsen a tuma nota cu e unico defensa cu ta sali pa cu e caso IBIS (ontheffingszaak, Paulgate) for di seno di AVP ta cu ta Partido MEP ta orkestra esaki.

Parlamentario mr. Juan E. Thijsen ta refuta esaki rotundamente. MEP no tin nada di haci cu e investigacion di Ministerio Publico den e caso IBIS (ontheffingszaak, Paulgate).

Partido MEP como organizacion politico responsabel ta respeta e principio di Trias Politica y no ta mete e tarea di cada instancia. Ministerio Publico ta funciona independientemente di politica bao responsabilidad constitucional di Minister di Husticia. Ta bin acerca cu e investigacion ta haya

ayudo di instancianan Hulandes riba cual mas cu logico Partido MEP no tin ningun influencia.

E ponencia politico di AVP cu ta MEP ta orkestra e investigacion, segun Parlamentario mr. Juan E. Thijsen, ta hopi fofu ya cu si e tabata berdad mes awe lo tabata tin mas investigacion di no menos cu 6 Ministro y 3 ex - Ministro cu tin duda riba nan, Ministronan Mike Eman, Benny Sevinger, Arthur Dowers, Michelle Hooiboer, Mike De Meza, Paul Croes ya deteni y ex - Ministronan Otmar Oduber, Richard Visser y Juan David Yrausquin.

Parlamentario mr. Juan E. Thijsen ta kere cu su persona y partido MEP a haci nan tarea como partido di oposicion pa

indica constantemente pa 8 año largo riba fayonan y fechorianan di AVP cu tin indicacionan fuerte di corrupcion y di conflicto di interes y tambe cu organonan constitucional no ta wordo respeta. Parlamentario mr. Juan E. Thijsen a tuma nota di rumornan cu e investigacion di Ministerio Publico den e caso IBIS (ontheffingszaak, Paulgate) no a origina na Aruba manera mester tabata ta pero cu ta den e caso di Rincon na Merca e nombrenan di Ministronan Mike de Meza y Paul Croes tabata briya anto Merca a pone presion riba Hulanda pa actua. Aki Hulanda a manda su mihor instancianan pa yuda den e investigacion.

Parlamentario mr. Juan E. Thijsen ta spera cu esaki

no ta berdad y cu ta nos propio Ministerio Publico a actua riba su mes y a cuminsa e investigacion. Esaki lo ta muestra cu nos sistema constitucional ta funciona y nos pais ta para riba su propio pianan. Parlamentario mr. Juan E. Thijsen ta urgi votadornan pa sigui e desaroyonan gubernamental, constitucional y politico aki di cerca y evalua bon ora di bay vota.

Aruba no por permiti su mes un continuacion di hendenan sospecha y posiblemente sentencia tambe di corrupcion. Esaki por deduci na e manera sistematico y metodicamente con Ministerio Publico ta hibando e asunto y ta deteniendo hendenan cercano di e Ministronan. Na 2013 Parlamentario



mr. Juan E. Thijsen y Partido MEP ya a avisa pueblo di fechorianan di AVP, sin embargo pueblo a dicidi otro. Parce AVP a tuma esaki como señal pa "siga la fiesta".

Dia 22 di September vota e biaha aki pa algo sigur, vota MEP pa un gobierno integro locual nos pais merece.

Hunto pe cambio sin miedo. MEP, e unico alternativa.

Ta bende Pisca Mero na kilo

Nestor Leon

Por yama na 5690131

PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500

GRAN PROMOCIÓN

Super Special para nuestra distinguida clientela.

Le ofrecemos...

*Aplicación de Tinte de Cabello desde Afl 100,00
+ le obsequiamos corte

*Manicure y Pedicure Afl 50,00 + exfoliación e
hidralación GRATIS.

*Cirugía Capilar desde Afl 100,00 + mantenimiento
GRATIS.

*Maquillaje Afl 75,00 + le regalamos la
depilación de rostro.

*Corte de Caballero 25 Fl + lavado Gratis

Te esperamos en Santa Cruz 36, horario de atención de
Lunes a Sábado de 9:00am - 7:00 pm y

Domingos de 10 am a 3:00 pm reserva tu cita

Telf: 5853323/ 5618504



STATEN VAN ARUBA

OPENBARE VERGADERING OP 11 SEPTEMBER 2017 OM
10:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

1. Het opmaken van een voordracht voor het Voorzitter- en Ondervoorzitterschap der Staten van Aruba voor het Zittingsjaar 2017-2018.
2. Sluiting van het Zittingsjaar 2016-2017

De Griffier,

mr.drs. Herman Ch. J. Heik

Raymond Hernandez, Candidato #4 Lista PPA/UPP

NOS SISTEMA ELECTORAL Y BO PODER DI VOTO!

Den cuadro di nos tarea pa informa y educa nos ciudadanía, ta importante pa nos di UPP para keto riba e poder cu bo voto tin durante un eleccion. Nos por scucha hopi den e dianan aki tocante nos sistema electoral y tambe henter e proceso di campaña. Keto bay mal informacion ta wordo treci padilanti, mientras cu hopi ciudadanonan ta expresa di no tin e confianza mas den politiconan cu a causa e caos aki na Aruba, y cu p'esey nan lo no kier bay vota mas.

Riba su mes esaki ta algo comprendibel, pero nos tin di mustra si riba e hecho, cu loke nos ta wak pafor ey, riba caya, ta un competencia electoral di algun partido cu ta hincando hopi placa den campaña pa asina purba na influencia particularmente abo como votador cu tin duda. E pregunta cu nos tin di haci ta, si nos kier pa laga e decision di un proximo gobierno den man di solamente esnan mas fanatico, cu cueste loque cueste lo kier pa nan partido t'esun cu lo bay forma e gobierno? Of abo, como ciudadano, cu e derecho di voto, no tin e derecho como

fanatico di nos pais Aruba, como fanatico di gobernacion drechi, como un fanatico di cambio, pa tambe influencia con e siguiente gobierno ta bay ta hinca den otro?

Voto ta un derecho universal, unda den un democracia tur ciudadano, den un forma secreto, tin e derecho pa scohe su representantenan. Pero tambe votamento di otro banda ta un acto unda e abo como ciudadano ta entrega bo derecho soberano di tuma decision na un otro, cu den bo nomber ta bay tuma decision pa bo, kizas hasta contra bo propio interesnan. Hustamente e ultimo aspecto aki di entrega di bo derecho pa otronan dicidi pa bo, particularmente si como votador bo no tin pensa di eherce e derecho aki, mester pone nos para keto un rato na loke ta nos sistema electoral.

Atrobe nos por scucha awe, despues cu un candidato ta desmenti cu lo tin un posibel acercamento entre POR y MEP, cu nan no mester di traha cu ningun partido, pasobra nan ta bayendo pa un mayoria absoluto. Ta bon pa splica aki cu un mayoria absoluto ta 11 asiento bay ariba.

Mientras cu 14 of mas asiento ta significa un mayoria cualitativo. E realidad di nos sistema electoral ta cu e parlamentonan cu a sinta a base di mayoria absoluto, a haci esaki a base di restzettel. Sigur na 2005 y na 2009, e gobiernonan basa riba un mayoria absoluto a sinta cu 43 y 48% di e votonan respectivamente. Cu otro palabra un gabinete cu un sosten di minoria di electorado ta goberna a base di mayoria. Esaki ta loke nos sistema ta duna. P'esey UPP ta kere cu nos sistema mester un revision na unda cu realmente nos por bay na cambia e sistema di representacion y democratizacion di nos eleccion.

Ta keda naturalmente den man di e pueblo votador. E ta esun soberano cu sa kico y con e ta haci cu su voto. Pues si abo como votador ta cansa di nos sistema politico, ta tempo pa pensa pa cuminsa cu cambio di e reglanan di wega, door di no permiti pa bolbe bin un gobierno di mayoria absoluto.

Pesey UPP ta kere cu keda sin vota, lo no ta un opcion. UPP ta kere ta tempo pa nos bolbe bin cu un coalicion. Nos ta kere cu esaki lo hiba na un mihor control.



Duna bo sosten, na e.o. nos lista combina di PPA/UPP, y asina inicia e cambio di reglanan. Y na momento cu nos combinacion ta den Parlamento, nos lo haci tur loke ta na nos alcance pa bin cu cambionan fundamental den nos sistema di eleccion y representacion den Parlamento. Di e manera aki tambe nos por logra na mehora e funcionamiento di Parlamento. P'esey Bo VOTO ta importante dia 22 di September proximo, pa asina Level Up nos Aruba Pa Un Mijor Mañan.

Rudy Lampe, secretario di Directiva di ReD

ReD ta solidario cu esnan mas vulnerabel

Den e dianan aki nos a mira con e pueblo di St. Maarten a sufri bao di e horcan Irma, y ta preparando pa yegada di otro horcan Jose. Nos kier expresa nos solidaridad y ta encurasha tur instancia pa yuda lo mas cu por despues di e tragedia aki causa pa naturaleza. Den oranan di necesidad mester pone color politico un banda y uni pa e bon causa.

Na Aruba lo tin e reto di subi Hooiberg 21 biaha, simbolizando e 21 asientonan den Parlamento cu mester ta integro, door di Ricardo Croes pa recauda fondo pa e muchanan di Casa Cuna y pa e muchanan special di Briya di Solo, despues cu e lugar a keda destrui pa candela. For di 4'or di atardi te anochi laat diabierna dia 8 di September por bin na Hooiberg y deposita bo contribucion den e box cu lo ta disponibel pa e ocasion aki. E necesidad di e muchanan no tin color politico, ban pone diferencia politico un banda y uni pa yuda nos muchanan.

Tin tragedianan di naturaleza of di accidente cu nos no por cambia. Tin otro cosnan cu nos si por cambia. Tin un grupo di ciudadano ta haya nan kaarchi di voto na cas pero nan no por vota,

sea cu nan no por presenta na e stemlokaal pa motibo cu nan ta malo den cama, of ta persona special cu no por vota nan so of ta den exterior y otro motibonan. E unico cu ta permiti drenta cu un persona den e stemlokaal ta esun cu ta visualmente incapacita. Nos ta bishita casnan unda tin ciudadano malo na cama y cu kier vota, pero volmacht ya no ta posibel. Nos ta topa ciudadanonan cu ta viahando of ta den exterior cu a ricibi nan kaarchi voto, pero no por vota dor cu volmacht no ta posibel.

Door cu a kita e sistema di volmacht pa motibo di fraude door di un partido tradicional un grupo significativo di ciudadano a perde nan derecho activo di vota. Esaki ta anti democratico. Tur ciudadano cu ta desea di vota lo mester por haci uso di nan derecho di vota y nada mag di stroba e proceso democratico aki. Partido ReD ta urgi pa bolbe introduci e sistema di volmacht, bao di reglanan estricto pa evita fraude y corrupcion manera a sosode den pasado.

Na prome, ta un familiar directo so di e persona por ta e gevolmachtigde of apoderado. Dos,

solamente bo por ta apoderado di un persona so, ke men pa un volmacht so bo mag vota, y bo ta presenta e carchi di voto cu ta keda debidamente controla. Ta inaceptabel cu esnan cu ta mas vulnerabel den nos comunidad ta wordo discrimina y no mag vota dor cu a aboli e sistema di volmacht. E contradictorio ta cu e persona aki por ta riba lista pero e no mag vota. E ta haci mi corda e mesun inhusticia cu Iglesia catolico a comete contra mi persona, como sacerdote mi mag vota pero mi no mag di ta riba lista. Den e caso aki e persona tin su derecho pasivo di voto pero no su derecho activo di voto.

Nos ta urgi e autoridadnan electoral pa tuma bon nota di esaki y por lo menos permiti esnan cu mester di yudanza ora di votacion, y no solamente pa motibo di ta visualmente incapacita, haya e apoyo aki dor di un familiar na e stemlokaal unda e lo presenta y asina por eherce nan derecho activo di vota. Y cu e parlamento cu ta habri e aña parlamentario nobo aproba e sistema di volmacht prome cu 22 di september. Esaki ta democratico y husto.

Director di N.V. Elmar, Ing. Robert Henriquez

Trabaonan di cambia luznan di caya pa LED ta hopi adelanta

Ya a cambia mas di 12 mil luz LED caba

Despues di casi 2 aña di trabao intensivo, recientemente gerencia di N.V. Elmar a reconoce e ekipo completo di empleadonan cu dia den y dia afor ta cambiando luznan di caya pa e tecnologia LED, cu ta usa menos coriente y ta ilumina mas. Sino ta pa e esfuerzo y compromiso serio di e team aki, e trabaonan lo no ta tanto avanza, te cu awor ta den fase di culminacion.

Algun aña pasa N.V. Elmar a cuminsa cu e proyecto di instala luznan LED rond di Aruba, pero di cual nan a cuminsa riba un velocidad slow. Director di N.V. Elmar, Ing. Robert Henriquez a duna di conoce cu a haci un par di tryout cu palo di luz di diferente compania. Despues di esaki a drenta den e proceso pa destaho, pa reemplaza tur luz existente na Aruba.

E resultado di e proceso di destaho publico a resulta exitoso, di cual N.V. Elmar a ricibi hopi reaccion. A percursa pa scoge e mihor cu tin, cual ta un compania Canades di LED, Roadway Lighting. N.V. Elmar a yega na un bon acuerdo cu e compania di Canada pa reemplaza tur e luznan aki na Aruba y haci nan LED. E cantidad di luz existente cu mester cambia ta 9000, pero awo no ta asina y ta cambiando 12 mil luz. Compara cu e luznan bieu, e luznan aki LED ta percursa pa spar casi 30% den uso di coriente.

Na aña 2015 N.V. Elmar a cuminsa cu e proyecto cu un velocidad haltu, cual ta un proyecto di 2 aña y pa reemplaza tur cos y haci expansion. "Nos ta riba schedule. Ya caba nos tin 11 mil pega di cual falta un mil y pico pa termina, pe proyecto ta cla", asina Ing. Robert Henriquez a duna di conoce. Segun e schedule e trabounan lo keda cla pe luna di November, pero aworaki nan ta basta adelanta.

Ing. Robert Henriquez ta contento cu e trabao di e empleadonan, pasobra nan presentacion ta hopi bon. Desde comienzo di aña te cu awor, nan 'inhaalmanoeuvre' tabata hopi bon. Esey a pone cu awor tin e resultado cu 11 mil lampi instala di LED. Loke cu falta ta un parti chikito di cual ta e parti di luznan oranje, unda ya tin palabracion cu DOW y DTI pa mira con lo cambia e luznan oranje den e parti innovativo.

N.V. Elmar ta pendiente pa finaliza y e director ta mira cu e proyecto aki ta uno exitoso. Aruba completo lo conoce solamente luznan di caya trahando a base di tecnologia avanza di LED. No ta solamente cambia e luznan, pero tambe cu N.V. Elmar por comunica cu e luznan unda nan por mira via computer si e luznan ta cendi den oranan di anochi. Tambe nan por monitor diferente factor via computer.



Un Mainta Diferente **Top 95**

Iyonel Dirksz

Tur dialuna pa diabierna di 9or di mainta pa 12or

Un Mainta Diferente
Pa alegria bo mainta cu motivacion, salud, noticia, farandula, humor, musica, hopi premio y topiconan intresante.

Santa Cruz BARBERSHOP **La Plaza del Corte & Baroque**

OPORTUNIDAD PA TRABAO:

SOLO DI PUEBLO tin oportunidad pa un designer/layout, pa traha den nos layout department.

Mester tin conocimiento y experiencia di Adobe-Indesign

Horario: 6pm - 10 pm, diadomingo pa diabierna, diasabra liber.

Solicita na: edmondcroes@outlook.com

TA BUSKA

Security Guard M, edad 25-45
año

Mester tin MAVO diploma of
equivalente

Por papia y scirbi PAP/HUL/
ENG/Spaans

Propio transport. Por yama
oficina 8am -4pm
na TEL 588-3677

ORA LIBER PA VOTA DI TRAHADORNAN

A sali un publicacion di Ministerio di Labor riba e topico di 4 ora liber pa trahadornan. Na nos humilde opinion ta parece cu e prome ehempel duna no ta corecto, esta: e orario di 7:30 - 12:00 y 13:30 - 16:30.

E trahador por haya e parti mainta sin problema, pero di 13:30 pa 16:30 si no por cuminsa di 12:30 pa 16:30 pasobra esey no ta 4 ora consecutivo di trabao. Esey mester stop di traha pa 11:00. Ya cu ta duna ehempel lo ta bon tambe pa splica e trahador cu shift di 7:30 pa 15:30, ki ora e ta haya su 4 ora consecutivo liber.

Den practica e sorto di shiftnan aki ta duna hopi problema. Otro exigencia cu casi nunca ta wordo cumpli door di empleador ta esun di publicacion un siman prome cu eleccion. Pa colmo e control riba Kiesverordening ta den man di Hoofdstembureau y no tin personal pa haci esaki. Den hopi caso e trahador ta sali perhudica.

VOX POPULI.....

Looking great,
paying less

MEGA
OUTLET

Sale Sale Sale

Probecha di nos
Grandioso Descuento!

Prijs ta start na 5
florin



No warda mas,
pasa Awe mes
Probecha te

cu 60% di
descuento!

Mega Outlet!

Orario den Siman: 3:00pm - 6:00pm

Maduro Heavy Eq.N.V.

Piedra #5/ #6-Grijs-Tur tipo di Santo

Coba Pos-Fundeshi-Haci Tereno Limpi

Puntra pa Special di Luna

Tel: 5851708/

Cel:5931608/5943207/5620331

Email: mheqnv@hotmail.com



RECORDANDO 55 AÑA DI FAYECIMENTO DI JUFFROUW LAURA WERNET PASKEL

Prome dama kende a subi lista politico na 1949



Awedia 8 September 2017 ta recorda e fecha cu 55 aña pasa, esta dia 8 di September di aña 1962 cu Laura Wernet-Paskel, mihor conoci como juffrouw Laura, a fayece despues di un enfermedad basta pisa. E keto bay ta wordo considera como un dama balente, tanto como

maestro di school conoci y escritora y tambe luchador pa e derecho di hende muher aki na Aruba. Ta basta aña despues di su fayecimento na aña 1962 cu el'a bira conoci den e mundo literario. Ta pesey tambe Laura, como escritora, a ricibi hopi elogio di criticonan literario grandi di Aruba manera Henry Habibe y Wim Rutgers. E ta wordo considera un di e momentonan di gloria den historia di literatura di Aruba. Pero awe 8 di September nos ta enfoca mas riba su trabao politico, cu ta menos conoci.

Bayendo bek den historia ta asina cu prome cu aña 1949 e derecho di hende muher tabata masha limita mes. Tabata un aña anterior, esta na aña

1948 cu pa prome biaha e derecho universal di voto a keda introduci na Aruba y prome cu esey ta hende homber so of esnan cu tin cierto propiedad por a vota, esta un minoria chikito. Ta na aña 1948 cu pa prome biaha na Aruba tur hende, incluyendo hende muher por a haci uso di e derecho di por vota, participando asina na e actief y passief kiesrecht.

Manera cu e ley aki a drenta na vigor na aña 1948 juffrouw Laura en todo caso no a duda y a tuma e curashi di subi e lista politico di UNA (Union Nacional Arubano) na aña 1949. Laura a wordo postula pa prome biaha riba no. 5 di e lista di UNA y a obtene na e eleccion di aña 1949,

un total di 13 voto. Pa e tempo ey un cantidad basta halto considerando cuanto hende por a vota e tempo ey y ta prome biaha cu un hende muher cu hopi curashi a subi un lista politico aki na Aruba y pesey mes e ta sigui un ehempel pa nos.

Si bay un tiki mas den e historia tabata e Obispo di Willemstad kende a funda e partido Catolico na Corsou, esta e Katholieke Volks partij y ta trata di e obispo Arubano. Mgr. Van der Veen Zeppenfeldt. Despues ta su persona a inspira pa bin cu un partido catolico tambe na Aruba y ta pesey a keda lanta e partido politico di Union Nacional Arubano (UNA) di cual juffrouw Laura tabata tin e honor di forma parti di dje. No

mester lubida cu nos e tempo ey tabata den un constelacion colonial, esta unda cu Hulanda tabata manda y ainda e statuut di 1954 no a drenta na vigor.

E ehempel y curashi di juffrouw Laura pa nos ta keda grandi semper ya cu e mester a lucha contra e discriminacion di hende muher, e mester a lucha contra e discriminacion di catoliconan y e mester a lucha pa autonomia di Aruba contra e dominio di Hulanda. Un balente hende muher y nos no mester vacila pa continua cu su trabao door di sigui lucha pa un mihor Aruba.

Na su memoria lo tin un santo sacrificio awe nochi na misa Inmaculada Concepcion na Santa Cruz!

Interes di Pueblo Top 95

DIASABRA 9 SEPTEMBER 2017

Den e Prome Tanda: Invitado: Señor Diego de Cuba, Presidente di STA
Ora: 11:30 – 12:30 pm
Topico: Sindicalismo na Aruba

Den di Dos Tanda:
Invitadonan: drs. Jerehm Campbell nr 23 riba lista MEP y dr. Arthur Vallejo nr. 29 ariba lista di MEP
Ora: 12:30 – 1:30 pm
Topico: Solucionnan di MEP pa nos Salubridad Publico
E moderador di e programa: sr. Junior Arends.
Durante e Programa 'Interes di Pueblo' diasabra 8 di September 2017, por yama Radio Top95fm y bo tin 1 minuut pa haci pregunta na nos invitado na tel: 585-5555. Nos ta desea bo un feliz diasabra yena cu informacion valioso.
Dj Strongolo

TRAINING TAAL&REKENEN TRAINING: "TAAL"

(pa: alumnonan di 6de klas di school basico)
Dianan di training: sept. 1,2,8,9,15,16,2017
Ora: 3:00 pm – 6:00 pm (sept. 1,8,15)
Ora: 1:00 pm – 4:00 pm (sept. 2,9,16)
Lugar: Club Don Bosco (Noord)

Docente : drs. Rudolf R. Kelly

Informacion: 562-2119/
594-9771/ 585-9774.
Email: rr_kelly@yahoo.com

COLEGIO EPI TA INFORMA CU SCHOOL TA SIGUI NORMAL

Colegio EPI ta informa tur estudiante y personal cu awe diabierna 8 di September les lo sigui normal segun rooster. Ta asina cu algun docente di Colegio EPI ta bay tene un walk out pasivamente den oranan di mainta y lo entrega un carta pa manifesta y sostene nan colega docente di gym relaciona cu su situacion di duna les. Esaki no lo afecta e lesnan.

Colegio EPI ta spera di a informa tur hende debidamente y cu na e manera aki por aclarea cualkier mal comprendemento.

NOS PRIORIDAD PA ARUBA

[SEGURIDAD] SOLUCION DI CRIMINALIDAD

PASO 2

- ✓ COMBATI CRIMINALIDAD CU MAN DURO
- ✓ PREVENI CRIMEN DOOR DI HACI MAS AGENTE POLICIAL VISIBLE RIBA CAYA Y DEN BARIO
- ✓ ILUMINA MAS BARIO
- ✓ REENFORSA CUERPONAN DI SEGURIDAD CU MATERIAL Y PERSONAL
- ✓ PERCURA PA PARTICIPACION DI PROFESIONALNAN DEN UN PLATAFORMA NATIONAL DI HUSTICIA Y SIGURIDAD
- ✓ FORTIFICA E SEGURIDAD DEN AREANAN TURISTICO CU UN "TOURISM POLICE"
- ✓ INTRODUCI E "BOTON DI PANICO" PA DUNA UN EXTRA ATENCION NA ESNAN MAS VULNERABLE PA CU CRIMINALIDAD

Endy

#11



CUBO VOTO NOS TA GANA!



Raad van bestuur nobo di De Meza tumando desicion... Kico ta pasando?

Problema den Arutram/Aruparking



Diahuebs atardi a drenta e noticia cu tin problema serio na oficina di Aruparking. A pidi intermediacion di polis ora cu cosnan a bay for di man entre gerencia cu empleadonan.

Nos a bin compronde cu tin yen di movicion stranjo cu ta tumando lugar. Mike de Meza cu awor ta encarga cu Aruparking lo a instala un directiva nobo y a pone su hendenan den directiva. E directiva aki mesora a cuminsa tuma desicionnan pa cual a causa hopi incertidumbre.

Aparentemente e hendenan di Mike de Meza a traha dos lista, un lista di hendenan cu ta AVP y otro lista di hendenan cu ta POR. Dje forma aki a cuminsa un persecucion estilo TERRA GROUP, dia cu nan a kita un reportero for di trabao.

Tur esnan cu ta partido POR lo mester pasa den un proceso dificil.

Hecho ta cu tin movicionnan stranjo tumando lugar, unda a cuminsa move hende pa manda pariba na oficina di Arubus. Esaki sigur no a cay den bon tera serca algun personal pa cual e situacion a sali for di man.

Ta ser bisa cu Teo Croes lo wordo movi tambe y cu dentro di poco e lo haya su carta unda e lo wordo manda cas. Pues ta un situacion basta hot na Arubus, Aruparking.

Edmond Croes lo tuma paso legal contra Alex Schwengle

No ta acepta difamacion

Paso legal a wordo tuma contra di Minister Alex Schwengle pa su expresionnan difamatorio haci rond di 6 di September 2017.

Asina director di e corant aki a informa nos redaccion ayeratardi.

Tur cos ta draai cu Alex Schwengle a duna declaracionnan cu e no por substancia ni tampoco tin ningun sorto di prueba!

Awor cu Partido AVP ta sinti cayente, unda nan tin un miister y henter un oficina di Minister cera, unda tur empleado ta cera na KIA, AVP kier cuminsa un difamacion contra di Edmond Croes, riba asuntonan di Lotto.

Aki Schwengle a haci declaracionnan acusatorio y difamatorio. Alex a bisa: "Locual a sosode ta cu penalmente no a continua cu e caso, pero den un periodo nobo, lo bay Corte Civil pa cobra tur e sumanan uza contra ley y sin hustificacion, bek for di e ex Presidente y ex Director cu a enrikece su mes y su famia riba cuenta di e fundacion."

Aki Alex Schwengle ta acusa Edmond Croes di lo a cobra fondonan di Lotto, -contra ley y -sin hustificacion, es decir, cu lo a cobra sin duna servicio.

Esaki ta un acusacion hopi pisa cu Alex



Schwengle a haci! Esaki no ta wordo acepta di su persona y lo demanda Schwengle pe duna un rectificacion.

Companionan di Edmond Croes, a wordo debidamente investiga dor di Landsrecherche, unda a haci mas di 10 keho. Landsecherche a gasta tempo y placa pa asina por a interroga mas di 30 medio di comunicacion, tanto radio, tv, corant, pa cual tur e cuentanan presenta dor di Sr. Edmond Croes tabata cuadra cu berdad.


Tambe tur medio a declara cu nan a haya nan placa, preciso!

Manehando un budget di propaganda, e sumanan por ta sona 'masha hopi', pero ta tur ta bay bek pa paga e servicio di propaganda cu a wordo duna na Lotto na tur radio, tv y corant.

Cu un acusacion cu NO tin hustificacion, ta un declaracion tendencioso y cu meta pa difama Sr. Edmond Croes.

Edmond Croes no ta panja di Alex ni di AVP, pa ora cu nan ta den cayente, pa nan core lansa atake di porco riba Edmond Croes. Awor e lo mester confronta e pasonan legal.

WarriorHouse Gym situa na Sta. Cruz 266, edificio ex Club Trappers



E Berdad Nada Mas Cu E Berdad

Díahuebs



**pa 7or pm
cu**

Karel Maduro



Nestor tey

porkchop, lomito, pisca corra.

**Por yama pa pedido na
5690131**

Diadomingo lo tin e tremendo
BBQ y hopi otro cuminda riba
grill



Robert Candelaria ta faya barbaramente!

No por compara Drone cu Helicopter

Helicopter tin mas funcion, entre otro ora di accidente

Robert Candelaria, ex polis, cu a bay traha cu Eduardo De Veer, pero awor ta bek na Aruba buscando un trabao, a papia riba introduci Drone pa asina tira control riba e aspecto di seguridad.

Na tur manera Candelaria a desgaba, critica Helicopter, indicando cu Helicopter ya ta for di moda.

Candelaria ta pro modernismo y pesey segun e un Drone ta hopi mas mihor y efectivo.

Candelaria a lubida un aspecto! Un helicopter na Aruba no solamente ta wordo usa pa combati criminalidad, pero e Helicopter cu tabatin, tabata lanta vuelo y bay duna tambe prome ayudo y na varios ocasion a lanta hende na Costa pariba y hiba hospital. Un drone por haci esaki? Pues, Candelaria a lubida kisas e aspecto aki, pues e dobbel funcion di un Helicopter. Nos ta kere cu lo mester tin un helicopter y algun drone pa asina combati criminalidad! Depende di e situacion, lo por dicidi ta cual lo bay usa. Ta di compronde cu Candelaria ta nobato!



Avp a bergonza Aruba cu fraude y corrupcion...

Full un oficina di Minister ta deteni

Minister, chofer, secretaria, coordinador etc.

Partido AVP un bes mas a defrauda Aruba cu nan actonan di corrupcion.

Esaki no ta nada nobo pa e pueblo di Aruba, pasobra tur Gobierno di AVP a wordo mancha pa corrupcion.

Den tempo di Tico Croes cosnan a bay asinta tambe! Horta Pais semper a bay prome.

Den e caso di Paul Croes, nos tin henter un oficina di Minister cera na candal y tur empleado ta den KIA.

Ta kico esaki ta? Y ainda tin hendenan cu kier tira culpa riba oposicion of riba MEP? Mas peor ta cu ainda Paul Croes ta minister! Ni sikiera respet e por tabatin pa traha un carta di retiro for di KIA, pa asina e baha di stoel y salario di Minister. Gran culpabel ta Mike Eman! E ta permiti baina den su gobierno. Ta ser bisa cu tin mas detencion na caminda y no por exclui cu un minister lo wordo deteni.



Holmo Henriquez a perde su color blauw scur.....

Partido MAS lo no aparece cu color blauw scur riba tarheta di votacion

Segun Holmo Henriquez di Partido MAS, su partido no a haya e color original di riba e tarheta di voto.

E color blauw scur a bay pe partido di Otmar, esta POR.


Esaki ta haci cu Partido MAS lo aparece cu un color mas cla, esta un blauw cla.

Holmo Henriquez a pidi atencion, pa tuma bon nota.

Si bo bay riba e color blauw scur, e voto lo bay pa Otmar Oduber y no pa Holmo Henriquez.

Maske Holmo a lanta su partido prome cu Otmar, es decir, Holmo tabata padilanti, awor ta compronde cu Otmar ta bin di atras tambe, y bin tuma e color blauw scur.


Votadornan di MAS, tuma nota.




CAYENNE PEPPER

Si tin un hierba cu ta hopi efektivu tanto den curamento di malesanan como den beneficio nutritivo, esei ta CAYENE PEPPER!

- Boost circulashon y mehora e akshon di nos curason
- Kirta cansancio y duna e curpa stamina
- Mehora e sistema cardio vascular
- Juda cu Arthritis
- Preveni problemanan y dolor di lomba
- Reforsa e sistema digestivo
- Preveni Fibromyalgia



Nutricion & Movccion



Rene Wild

Personal Trainer and Nutritionist
Tel.: 297.594.3327
E-mail: rwderrek@hotmail.com

Repudio total pa Dj Ala, Edward del Orbe: El'a ofende masha hopi hende di MEP como tambe Nel Oduber cu tape manipula!

Comunidad di Aruba a responde hopi decepciona den un Dj cu ta bon conoci aki na Aruba, Dj Ala, Edward del Orbe. Tur cos ta sinta na e hecho cu e siman aki, profesionalnan den audio, a bin descubri e vos original di e persona cu pa anjas largo a sinta graba tapenan contra MEP y NEL.

Tur cos ta indica cu henter e setup aki ta hinca tambe di un of otro manera den e compania Terra Group, na unda cu Dj Ala sea ta sinta of ta traha.

Tur cos ta muestra cu e tapenan manipula di Nel Oduber, pa cual a logra na instiga y dividi comunidad, a wordo graba, edita pa Dj Alah na un forma di porco sushi.

Ta persona cu semper tabatin bon bida y semper a sa di biba pa biba, sin ningun futuro drechi y pa cual awor mester bira esclavo politico pa traha tape, manipula vos, pa asina por bringa pa keda na poder. Desde aña 2009, tabatin tapenan



maniula, alterna, unda ta trece un percepcion diferente dilanti, causando asina cu a misleid e publico.

Ta asina AVP a gana na 2009! Cu tur sorto di manipulacion, unda e persona cu tabata graba cosnan di porco, fies, tabata Edward del Orbe.

Riba rednan social, hopi hende

tabata muestra nan indigancion y algun otro tabata hopi contento di porfin a haya sa ta ken te persona cu tabata fabrica tanto atake asina.

Manera tin un dicho ta bisa: Nada ta keda scondi entre cielo y tera y Dj Ala nunca di su bida a imagina cu lo por tin algun experto cu lo por a draai bek, habri e codenan

di audio pa asina yega na su vos original.

BRINGA PA PODER PA MANTENE SALARIO

E Dj aki, su unico obhetivo ta pa haci todo por todo pa asina Avp keda na poder.

No tabata forma con e tapenan sushi, palabranan ofensivo, insultativo, tabata wordo hinca den otro y tabata wordo pasa na Canal 90.

Bo mester por ta un desgraciado pa hiba politiek na e nivel di porco aki.


Entodo caso, awor ta conoci ta ken te autor di e grabacionnan aki, algo sigur hopi decepcionante. Ora bo hunga cu diabel, manipulando lo corecto, bo mester por sa cu e karma lo baha pisa riba bo. Y lamentablemente futuro lo muestra e destino con karma lo pagabo bek.

E plan di renobacion di Veld di Kudawecha, presenta pa Endy Croes di MEP



Mas di Leoncita Leaks.....

Mas prueba con Leoncita tabata negosha benta di tereno!!!



Angel Conradus Zuhaila Arendsz

Leoncita Urvin Bareno

10/16/14 at 12:31 PM

Bon tardi,

Mi no a tende nada mas di jun hende?? I sorry mi tawata kiermeen Ministerieele Toezegging. Mi por please hanja tur e documenten nan awe of at least un respuesta. Mi a convince mi cliente cu e ta un bon tereno i ta keda puntra mi pa informacion i ja 1 luna a pasa caba.

Danki di antemano.

Saludos

Show original message

On Oct 15, 2014, at 10:59 AM, [REDACTED] wrote:

Bon dia Allen,

Heb net contact met Urvin gehad en hij heeft de twee volgende documenten die hij later naar mij zal opsturen;

1. Ministerieele Beschikking
2. Situatie tekening

Kunnen jullie aub vandaag de rest van de documenten opsturen. Want zonder al deze informatie kan de koper natuurlijk niet nakijken of het een en ander mist. Nogmaals de kopers zijn erg geïnteresseerd, maar moet wel een duidelijk overzicht hebben wat ze kopen.

Mvg

Cell. (271) 572 5577
www.mikorealtor.com

Den e documento aki, pueblo por lesa con Leoncita tabata negosha tereno di pueblo. Un rebendedor, (real estate) tabata wordo acerca pa busca benta serca comerciantenan cu tin hopi placa. E agencia di real estate ta manda pidi pa e Decreto Ministerial di e tereno. E bendedora ta bisa den e e-mail cu a lek, cu el'a convence un cliente, cu e tereno ta un bon tereno y e cliente ta keda puntra pa e tereno. Asina por mira cu e e-mail ta dirigi na Leoncita Arends y Zuhaila Arends, kende ta abogado di e clan.

Sint Maarten a keda cu hopi daño di horcan Irma



Tipline: 585-9500

Tipline: 585-9500

Tipline: 585-9500

OFERTA ESPECIAL
Aruba - Riohacha

Próximo día 8 de Septiembre

USD
\$275
\$435 RT



Pier di Leoncita na Bucutiweg

Aan de Minister van Infrastructuur, Ruimtelijke Ontwikkeling en Integratie.
Zijne Excelentie dhr. O.B. Sevinger.
Bestuurskantoor.
L.G. Smith Boulevard 76.
Alhier.

Oranjestad, 3 Juli, 2014.

Onderwerp: Aanvraag water en waterkan huurperceel te Bucutiweg.

Zijne Excellentie,

Middels deze brief richt ondergetekende, Maria Leoncita Arends, geboren te Aruba op 15 September 1956 en wonende te Sero Blanco 54-D, zich tot U met het volgende verzoek.

Ondergetekende wenst graag een perceel domein water en een huurperceel voor ingang tot aanlegsteiger, parkéerruimte en recreatie gelegen aan de Bucuti weg conform bijgaande situatie tekening.

Bij de locatie waarop ik mijn aanvraag richt bevind zich een oude en vervallend aanlegsteiger die conform de Directie Infrastructuur en Planning (DIP) illegaal is gebouwd en staat niet geregistreerd bij de DIP.

Met de hoogste waardering dank ik U bij voorbaat voor Uw aandacht aan mijn verzoek

Hoogachtend,

Maria Leoncita Arends
Sero Blanco 54-D
Tel: 6900990
Aruba.



Te hasta pier na Bucutiweg Leoncita a pidi Benny!

Carta ta musta con Leoncita a pidi un tereno den awa y un tereno di huur pa asina e por haya un entrada pa su pier.

Leoncita a probecha di Gobierno di AVP tot en met!

POST ARUBA TA EMITI UN SERIE NOBO DI STAMPIA 'ANTIGUEDAD 2017'

Dia 31 di augustus 2017 Post Aruba N.V. ta emiti un serie nobo di stampia titula 'Antiguedad 2017'.

E serie ta consisti di 5 stampia halora na 90 cen, 130 cen, 220 cen, 305 cen y 420 cen, cu ta yega na un prijs total di Afl. 11,65 y e ta acompaña pa su 'envelop di prome dia di emision' cu ta costa Afl. 13,15.

E diseñonan pa e stampia aki ta un creacion di Rhona Lemminga y e stampianan ta imprimi na Johan Enschedé Security Print.

E serie di stampia ta obtenibel na e diferente oficinanan di Post Aruba, respectivamente na Oranjestad, San Nicolas y Sta. Cruz.

Pa mas informacion tocante e stampianan 'Antiguedad 2017' por tuma contacto cu Departamento Filatelico di Post Aruba N.V., cu ta situa na J.E. Irausquinplein 9, Oranjestad, cu su number di telefon 528-7678, of bishita su pagina di Facebook Aruba Stamps.

E bunita serie aki no por falta den bo coleccion. Busca esun di bo awemes, ya cu e cantidad ta limita.

90c - Radio

Na comienso di 1890 a explora e prome posibilidadnan pa deliberadamente crea y ricibi transmision di radio. Na september di aña 1895, Guglielmo Marconi, un autodidacto di 21 aña di edad, procedente di Bologna, ya caba a realisa experimentonan senciyo cu a lag'e convenci cu tabata posibel pa manda señalnan pa medio di olanan electromagnetico pa conecta un transmisor y un antena pa haya un miho recepcion. Ya for di 1896 caba, e tabata e persona principal na cabes, pa asina su trabou por a yega na telecomunicacion sin uzo di waya.

E prome radionan di 1920 no tabata indica ningun number di stacion. Na lugá di esaki, e konopinan tabata marca cu e cifranan di 0 te 100 of hopi biaha no tin nada mes marca. Aunke no tin ningun criterio exacto pa determina si un aparato di radio ta cay bou di un artefacto antiguo, normalmente uno di 50 aña bieu of uno cu chup bashi di Segunda Guerra Mundial y un set di transistor prome cu 1960 ta keda califica

como tal. E diseño di e cashi di radio y e marcanan di e banda radial y frecuencia riba e dial hopi biaha ta un fuerte indicador pa bo haya sa ta ki tempo a start cu radiodifusion. Esunnan den estilo di catedral y di cashi di palo den forma di piedra di graf, tabata mas popular durante e decada di 1930.

130c - Television


Television ta un medio di telecomunicacion cu nan ta uza pa transmiti imagennan den movimiento den monocromo (preto y blanco) of na colo y den dos of tres dimension y cu zonido. Cu e termino TV, bo por referi na un aparato di television, un programa di television ("TV Show"), of na e medio di transmision di television. Television ta un medio masivo pa entretenimiento, educacion, noticia, politica y publicidad.

E inventor ingeniero Escoces John Logie Baird a haci un di e prome transmisionnan di television experimental sin uzo di waya na Londres, dia 25 di november 1925. E prome transmision di television na colo tabata dia 3 di juli 1928 pa medio di un proceso mecanico. Ora cu a añadi colo na transmision di television despues di 1953, e popularidad di television a aumenta mas ainda den e decada di 1960 y un antena na e parti exterior a converti su mes den un característica comun di e casnan construi net poco pafó di ciudad.

Aunke cu e prome transmision di television a tuma lugá na Inglatera na 1925, e coleccionistanan a topa cu algun piesa cu a existi ya prome cu 1946. E prome setnan tabatin solamente cinco canal, pero na 1949 nan a inclui e canalnan UHF ("ultra high frequency"). Den e decada di 1940, television pa medio di kabel a keda introduci y e prome sistema di control remoto a bin na 1956. E prome television na colo tabata disponibel na 1951.

220c - Mashin telegrafico

Despues cu Samuel Morse (1791-1872) y otro inventornan a pre-



senta varios desaroyo den añanan 1830 y 1840, telegrafia a revolucionaria e comunicacion di largo distancia. Telegrafia ta funciona pa medio di transmision di señalnan electrico a traves di un kabel entre stacionnan y esaki a keda proba cu exito na 1837. Pero awendia ya e no ta den uzo. Na su lugá a bin hopi otro forma di comunicacion di largo distancia. Nan tabata manda e telegramnan via un mashin telegrafico. Esaki tabata un forma rapido pa manda noticia importante pa hende cu no tin telefon.

Un operador di telegrafia ta manda e mensahe den forma codifica pa medio di un mashin cu yama clave Morse.... Esaki, nan tabata yama un telegram.

305c- Mashin di skirbi (di type)

William Austin Burt, de Detroit, a haya e prome patente Mericano na 1829 pa loke nos ta yama un mashin di skirbi of mashin di type. Sinembargo, e gran avance a keda produci na 1867 ora cu Christopher Latham Sholes di Milwaukee cu ayudo di su amigonan Carlos Glidden y Samuel W. Soule a inventa e prome mashin di skirbi. Tabata un mashin bunita decora cu flornan pinta na man. Sinembargo, e mashin di skirbi aki, cu tur su imperfeccionnan a bin pa keda como historia. E tabata e prome cu a uza e teclado conoci awendia como "QWERTY".

Sholes & Glidden a bini cu e prome mashin di skirbi cu ta mas rapido cu skirbimento na man y cu miho

papel di carbon; e mashinnan di skirbi antiguo tabata por a genera varios copia di e mesun documento. Awendia e coleccionistanan por identifica e mashinnan antiguo di skirbi facilmente, ora nan weita e marca cu generalmente bo ta topa na e parti dilanti di e mashinnan cu letternan grandi. Loke ta mas dificil pa determina ta edad exacto y e aña di construccion, pero e cifranan di modelo y di serie ta puntonan di salida masha util.

420 c - Telefon

Na 1871 e hoben Escoces Alexander Graham Bell (1847-1922), yiu di Alexander Melville Bell, kende tabata e inventor di e "discurso visibel", un alfabet cu ta uza simbolonan cu ta representa zonido humano, a muda pa Boston, Massachusetts como profesor di e sordonan. El a busca e maneranan pa traduci bos humano den vibracionnan. Asina e idea pa telefon a nace.

Na 1875, Bell a cuminsa traha cu su ayudante, Thomas Watson, un electricien cu inclinacion mecanico; na 1876 Bell a pronuncia e prome frase comprendibel a traves di telefon: "Sr. Watson, bin aki, mi mester di bo."

Alexander Graham Bell tabata esun cu a ricibi na 1876 un patent pa e invento di e prome telefon operativo. Telefon a evoluciona hunto cu e tecnologia di epoca.

Ta e invencion aki ta loke cu a revolucionaria e manera cu hende ta comunica cu otro den henter mundo.



Abona na Solo di Pueblo awor!

Yama 585-9500 of e-mail nos na solodipueblo@gmail.com

Tur marduga nos ta entrego den bo porta di cas! Noticia cayente, ta aki bo ta haye!

Horoscopo

8 September 2017

Aries. No te controles tanto y expresa tu sensibilidad a través de alguna actividad creativa o en la relación con tus seres queridos.

Tauro. Quieres estar rodeado de belleza en tu hogar y apreciarás los gestos de amabilidad y de bondad. Estarás, también, más introspectivo.

Géminis. Buen día para las relaciones públicas y la promoción de tu trabajo. Tendrás buenos ratos con tus amigos y con tus colegas de trabajo.

Cáncer. Pondrás mucha energía en tu trabajo para que te dé unos mejores resultados. Ahora es un buen momento para tratar asuntos económicos.

Leo. Puedes estar más dubitativo y te costará centrarte en lo que es importante. Date tiempo para reflexionar y ver los pasos a dar.

Virgo. Quieres hacer las cosas a tu manera pero no olvidarás las necesidades de los demás. Al contrario, estarás ahí si lo necesitan.

Libra. Puede ser que te falte perspectiva para ver la solución que está ante tus ojos, por eso te será útil pedir opinión a otras personas.

Escorpio. Toca poner orden y hacer limpieza en tu casa y en tu trabajo. Atrévete a tirar aquello que no necesitas y te harás la vida más fácil.

Sagitario. Tu intuición, sensibilidad e inteligencia te permitirán mostrar tu talento en todo lo que hagas. Hoy, enfoca tu día con creatividad.

Capricornio. Planifica alguna actividad en familia para después del trabajo. Estar juntos te cargará de energía, de positividad y de entusiasmo.

Acuario. Pondrás en marcha lo que tienes en mente, con decisión y asegurándote de que todo salga bien. Serás muy sincero y directo.

Piscis. Es un día muy favorable para el trabajo, las tareas te parecerán más fáciles y gozarás de un gran sentido práctico para afrontarlas.

Recordatorio show di talento Jardin di Primavera

Jardin di Primavera ta den preparacion pa celebra 3 año di existencia.

Jardin di Primavera ta un club pa mucha y joven entre 4 cu 16 año cu ta reuni tur diasabra entre 3or y 5or di atardi na club primavera pa tene e mucha y jovennan bezig riba un diasabra.

Ta organisa diferente actividad manera charla, buitendag, show, lesamento, presentacionnan educativo pa informa e jovennan riba diferente topico.

en connexion cu celebracion di e tercer año di e club, ta organisa un talent show dia 8 di oktober cuminsando 6or di atardi na club Primavera.

Lo tin 3 categoria pa presenta, 5 pa 7 año, 8 pa 12 año, 13 pa 17 año.

Talentonan cu por presenta ta baile, canto, magia y poesia. Muchanan cu otro talento tambe ta bon bini, e show lo mester ta entre 3 cu 4 minuut.

lo bay tin huradonan presente pa na final di anochi saka ganadornan den nan categoria, Canto; e trahe lo mester refleha e cantica, baile; coreografia mester ta apto pa e edad y cantica cu lo presenta, magia; mester ta den nivel di e edad, poesia; den e edad y lo husga bon articulacion.

Nos ta recorda mayornan cu e fecha pa inschrijving lo ta diasabra 9 september 2017 entre 4or cu 5or na club Primavera.

E dia aki lo tin un reunion chikito tambe pa parti e reglanan.

Homber ilegal desde 2014 a laga paspoort atras

PALM BEACH – Dialuna, pa mas of menos 9'or di anochi, durante patruya, polis a papia cu gerente di Paseo Herencia. Pa mas of menos den e oranan ey, el a mira un homber ta core sali for di un we di dicho centro comercial, direccion e hotelnan. Door di esey, e homber a laga su paspoort atras, di cual e gerente a entrega na polis.

Tambe el a mira algun homber den uniform eynan y ta pensa cu e homber aki probablemente ta ilegal y pesey a core bay. Polis a busca den vecindario, pero no a topa cu e homber aki. Den e paspoort tin un stempel di 2014. Posiblemente e persona aki, AD, toch ta ilegal na Aruba. E paspoort ta na warda di strandpolitie.

TA BUSKA

Security Guard M, edad 25-45 año

Mester tin MAVO diploma of equivalente

Por papia y scirbi PAP/HUL/ENG/ Spaans

Propio transport. Por yama

oficina 7am -4pm

na TEL 588-3677

Álvaro Uribe salió a recibir al papa Francisco

El expresidente cumplió su promesa y asistió a la calle 26 como cualquier feligrés. El sumo pontífice, sin embargo, pasó muy rápido por su lado.

Álvaro Uribe salió a recibir al papa Francisco Foto: Tomada de Twitter
Álvaro Uribe prometió lo que dijo. El expresidente había señalado que no buscaría una cita privada con el papa Francisco sino que saldría a recibirlo como un feligrés más. Quienes salieron a la calle 26 el miércoles en la tarde comprobaron que esto era verdad.

En una orilla de la calle, se veía al senador con sus colegas del Centro Democrático. Estaban los congresistas Iván Duque, María del Rosario Guerra, Ernesto Macías, Tatiana Cabello, entre otros. Además de Alicia Arango y Carlos Holmes Trujillo.



Segun Trump: Accion militar ta keda un opcion contra Noord Korea

E presidente di Merca, Donald Trump, a insisti cu un accion militar ta keda un opcion pa tuma contra di Noord Korea, maske cu e lo prefera di no sigui e caminda ey. .

"Lo opción militar es ciertamente una opción" y ta algo cu por sosode, Trump a bisa den un rueda di prensa emiti na Cas Blanco hunto cu e hefe militar y politico di Kuwait, Sabah Ahmed Al Sabah, ríba e tensión halto cu e régimen di Pyongyang.

E regimen di Noord Korea ta keda haci pruebanan cu armanan nuclear y ta creando tension serca Merca como tambe serca paisnan den vicindario. Recientemente a haci prueba di armanan nuclear poderoso cual tabata un exito.



E-mail: solodipueblo@gmail.com

E-mail: solodipueblo@gmail.com

Alex no merece ni 1 voto di Savaneta! E mester wordo castiga pa su insulto



Yama pueblo di Savaneta pa hendenan bruha, di un bario bruha, no ta nada corecto. Savaneta mescos cu tur otro bario, tin su hendenan inteligente unda te hasta a produci Gobernador di Aruba, Sr. Fredis Refunjol. Alex no merece di haya ningun voto, pasobra e no ta sincero cu Pueblo di Savaneta!

NOS PRIORIDAD PA ARUBA

[SEGURIDAD]

SOLUCION DI CRIMINALIDAD

PASO 1


- ✓ CONTROL ESTRUCTO NA NOS FRONTERANAN
- ✓ BIN BEK CU RADAR Y HELICOPTER
- ✓ DUNA WARDA NOS COSTA AUTORIDAD Y MATERIAL PA CONTROLA

Endy

#11



CUBO VOTO NOS TA GANA!



E-mail nobo cu a leak:

Freddy Every ta pidi Leoncita pa su 'Cos'

Ministerio Publico mester investiga pa comicion bao mesa di benta di tereno

Sardos

Sent from my iPad

Show original message

Reply, Reply All or Forward | More

Fredric Every <fredric.every@gmail.com>

To:

leoncitaarends@yahoo.com

10/15/13 at 11:34 AM

Bon dia,



Ajera mi a dicidi di busca contacto cune pa sa si e ta bai, y e no tabata sa. Bo no a pase e mensahe? Bo a drumi? Ta bo cu mi a jema pa por a cambia e afspraak pa atardi.

Mi ta spera cu e realiza cu ta un hende asina mester pa setup e BID, no un Audrey. Just my personal opinion!. Tur e dianan aki ta jen di articulo den corant di Mambo.

Ki dia bo ta bek na Aruba? Bo ta bin cu mi cos nan?

Slds.

Sat Nam...

Fredric P. Every,

Chief of Staff

The Minister of Integration, Infrastructure & Environment.

BO TA BIN CU MI COSNAN?

Ta ki cos esaki ta?

Freddy kende a fix Leoncita tereno ta pidi pa su 'cos' !!!

Invitacion pa e Tridium na Honor di Señor de los Milagros, Glorioso Santa Cruz y Mama Maria Dolorosa

Pastoor di nos Parokia, Jairo Maduro, Padernan Andry y Jose Miguel, hunto cu grupo di oracion "Cu Confiansa y Fe den Señor de los Milagros" di parokia Maria Inmaculada Concepcion di Sta Cruz, ta invita tur fiel y debotonan di Señor de los Milagros, e pueblo di Sta Cruz y Aruba en general pa asisti na e Tridium cu ta cuminsa Dialuna 11 September 2017. Rosario y oracionnan ta cuminsa 5.45 p.m.

Diahuebs 14 September 2017, nos ta celebra e gran fiesta di Señor de los Milagros y Triunfo di e Glorioso Santa Cruz cu un Santo Sacrificio di Misa Solem pa 7.00 p.m. Musica y canto ta na encargo di Coro Crystal bou direccion di Sra Mechi Croes. Nos ta cuminsa cu un procesion pa 6.00

p.m. den misa.

Diabierna 15 September 2017 nos ta celebra Fiesta di Mama Maria Doloroso cu un Santo Sacrificio di Misa pa 7.00 p.m.

Señor de Los Milagros, Bo a skohe nos pa ta Bo pueblo Santo cu Bo ta stima. Yuda nos pa nos bini hunto cu un curason firme, compacion, misericordia, bondad, humildad, y pasenshi.

Yuda esnan den necesidad di oracion y laga tur enfermonan kere, confia y spera cu Fe riba nan sanacion.

Trece paz y tranquilidad riba mundo henter, especialmente nos dushi pais ARUBA.

Señor danki pa tur gracia y fabornan ricibi. AMEN.

Gradicimento y invitacion

Famia di defunto



Maria Helena Vrolijk
"Meechi"

Ta gradici un y tur pa atencion muestra durante su enfermedad y entierro. Gradicimento ta bay na tur e dokternan cu a atende. Un danki special na fisiotherapeut Giselle Escalona, organizacion Parkinson, cas di Machi, Club Kibrahacha, grupo Caresmatica Dakota, Pastoor Andre y funeraria Royal pa nan bon servicio.

A la vez nos ta invita pa 3 santo sacrificio di misa; diabierna 8 di September pa 7'or pm, diadomingo 10 di September pa 8'or am na misa Birgen di Fatima na Dakota y diaranson 13 di September pa 7'or pm na misa Imaculada Concepcion na Sta. Cruz. Diaranson despues di misa lo tin un santo rosario na cas Mispelstraat # 32, Dakota.

Famia Vrolijk

Piet super snack truck

Piet Martinez

Ta participa fayecimento di su empleada



Enid Bernadetha Tromp Delle

Na nomber di cu bon amigo nan: Luz, Iby, Rigomar, Jasmynne, Shanel, Jossy, Bord, Bryan, Choby, Tico, Juni, Canaja, Endro, Lusja, Aron, Angelo, Wanga, Derral, Dolfito, Toribjo, Jerino Bass Riderstap, Dennis, Eddy, Glen, Sender, Richard, Jorge, John, Greg, Janiek, Jessy, Shamila, Marlon tx Nais, tx Junior, tx Jairo, L. Murray, Onchi, Alex Mansur y mucho mas, nos disculpa si nos a lubida un of mas nomber.

Acto di entierro lo tuma lugar dia 8 di September 2017 di 2or pa 4or na misa Santa Anna na Noord, despues pa santana catolico na Noord.

7 September tin oportunidad pa condoleer na Aurora Funeral Home di 7pm pa 9 pm

Oracion di Dia 8-9-'17 Un comienso di w-end bendishona rumannan y cu Señor drama riba nos su gracia, amor y paz.

Señor nos Dios danki cu awe nos por contempla e luz di dia, e solo cu su splendor na horizonte. Awe mas cu nunca nos tin mester di Bo, di Bo amor, di Bo presencia y di Bo poder. Bini cu Bo forza y prepara cada un di nos pa enfrenta e dia di awe cu hopi optimismo. Mi kier ta testimonio di Bo amor pa tur esnan cu ta mas cerca di mi. Nos ta conta awe atrobe cu Bo bendicion, Bo proteccion, Bo guia y yudansa. Awe Iglesia Catolico ta celebra e Fiesta di Nacimiento di La Birgen Maria. Tur nacimiento ta trece alegria. Pa Iglesia y pa cada creyente e nacimiento di Mama Maria ta un echo yen di gracia. E ta e cuminsamento di nos salvacion. Pasobra di un manera milagroso Dios ta usa fe y actitud di hende pa sigui cu su plan di salvacion. Mama Maria a coopera na un manera ideal. O. Señor habri bista di tur Bo yiunan pa nan por mira e nacimiento di La Birgen Maria como un gracia, un alegria cu a trece Hesus pa nos na mundo pa nos por haya salvacion. Amen.

ARUBAS TOP 20

DIASABRA DIA 9 DI SEPTEMBER 2017



- 1/1.. FETISH — SELENA GOMES
- 2/3.. HONEY-ARCADE HEARTH
- 3/2.. NEVER GIVE YOU UP - JUICE JONES
- 4/8.. SOME WHERE TO GO — THE MARS
- 5/4.. PRETTY GIRL — MAGIE LENDEMAN
- 6/5.. JUST FOR ONE NIGHT — BLONDE ASTRIDS
- 7/11.. CAUGHT IN THE MIDDLE — ANASTACIA
- 8/13.. ITS SUNNY — TLC
- 9/14.. PLOT TURST — SIGRID
- 10/15.. JE JOUE DE LA MUSIQUE - CALAGERO
- 11/9.. STAY LUCKY — NERINA PILOT
- 12/18.. MI CORAZON — DJ SAM
- 13/12.. TRUE FEELING — GALANTIS
- 14/6.. MAY I HAVE THIS DANCE — FRANCIS THE LIGHT
- 15/19.. CANT SEE STRAIGHT — JANNIE LAWSON
- 16/—DONT GIVE ME THOSE EYES -JAMES BLUUT
- 17/15.. MAMA MIA — RIDSA
- 18/— ATTENTION - CHARLIE PUTH
- 19/17.. DIFFERENT DAYS — CHARLATANS
- 20/7.. ALIVE — BEN HAENOW
4.00 - 6.00 P.M.
HIT 94 FM STEREO

ARUBA

PRONOSTICO DI TEMPO VALIDO TE DIABIerna 08 DI SEPTEMBER 2017

COMPILA:

DIAHUEBS 07 DI SEPTEMBER 2017 17:00 (21:00 UTC)

UN AVISO PA BOTO CHIKITO I LAMA BRUTO TA NA VIGOR...

TEMPO:

DIAHUEBS ANOCHI: PARCIALMENTE NUBLA I GENERALMENTE SECO
DEN MARDUGA I DIABIerna: PARCIALMENTE NUBLA CU LOCAL-
MENTE UN AWACERO

TEMPERATURA MAXIMO 35 GRADO CELSIUS Y TEMPERATURA MINI-
MO 28 GRADO CELSIUS.

SOLO LO BAHAWA NOCHI 06:46 PM Y LO SALI MAYAN MAINTA 06:29
AM.

BIENTO: ZWAK TE MODERA FOR DI DIRECCION OOST- ZUIDOOST;
FORSA 2 TE 3 (7 TE 19 KM/ORA, 4 TE 10 NUDO)
TEMPORALMENTE VARIABLE I SUAK; FORSA 1 TE 2 (6 TE 10 KM/ORA, 3
TE 5 NUDO)

SITUACION GENERAL DI TEMPO:

HUMEDAD DEN ATMOSFERA REGIONAL TA SUFICIENTE PA OCASIONA
LOCALMENTE UN AWACERO
RIBA ISLA DI ARUBA; NO POR EXCLUI POSIBILIDAD DI LAMPER CU
STRENA.

CONDICION DI LAMA:

OLANAN DI LAMA LO TA FOR DI DIRECCION NOORDOOST CU HAL-
TURA DI 5 TE LOCALMENTE 7 PIA.
LOCALMENTE E POR JEGA 8 PIA. LABADERANAN FOR DI NOORD-
NOORDOOST PRODUCI PA HORCAN
IRMA TA CAUSANDO LAMA BRUTO ESPECIALMENTE NA COSTA
NOORD.
TEMPERATURA DI SUPERFICIE DI LAMA: 28 GRADO CELSIUS.

FENOMENONAN SPECIAL: NINGUN

SISTEMANAN SIGNIFICANTE DI WEER TROPICAL:

-HORCAN IRMA TABATA SITUA BASTA CERCA OOST- NOORDOOST DI DI
PUERTO PLATA, REPUBLICA
DOMINICANA MOVIENDO WEST- NOORDWEST. E HORCAN TA UNO DI
CATEGORIA 5 LOKE TA HASIE
UN HORCAN HOPI FUERTE I PELIGROSO.

-HORCAN JOSE A BIRA UN HORCAN FUERTE I TABATA SITUA MAS O
MENOS 955 KM OOST FOR
DI E ISLANAN MAS OOST DI CARIBE I TA MOVIENDO WEST- NOORD-
WEST. JOSE TA MENASANDO
ISLANAN Ariba I SEGUN E ACTUAL PRONOSTICO LO E PASA BASTA
CERCA DI E ISLANAN MAS
NOORD DEN CURSO DI DIASABRA PA DIADOMINGO.
- HORCAN KATIA TABATA SITUA OOST DI TAMPICO MEXICO I TA MOVE
POCO. KATIA NO TA
UN MENASA PA REGION LOCAL.

REGISTRACION DI TEMPERATURA (CELSIUS) Y AWACERO (MM) DEN
ULTIMO 24 ORA:

AIRPORT MAX 33 / MIN 27 / 0.0

HADICURARI MAX 33 / MIN 27 / 0.0

PRONOSTICO DI TEMPO PA PROXIMO FIN DI SIMAN:

PARCIALMENTE NUBLA CU LOCALMENTE UN AWACERO.

BIENTO LO TA FOR DI DIRECCION OOST TE ZUIDOOST I SUAK TE
MODERA

TEMPORALMENTE VARIABLE.

TEMPERATURA MAX / MIN LO TA: 35/28

E PROXIMO BULLETIN LO WORDO PUBLICA DIABIerna 08 DI SEPTEMBER
2017 17:00 (21:00 UTC)